

皇宋十朝綱要

皇宋十朝綱要卷第二十三

眉山李璣編

高宗

丙辰紹興六年

金主亶天會十四年

正月壬午趙鼎上神宗寄錄通已進凡二百卷 詔

子彥子伯玖賜名璠除利州防禦使

二月庚子諸路宣撫使制置安撫大使並兼營田大使宣撫副使宣副使招討使並兼營田使 甲辰詔行在置交子務 戊申改襄陽府路復為京西南路

乙卯詔福建廣東帥憲司急募土豪收捕海賊鄭
廣等 丙寅嚴威茂永康三處置場買馬 劉光世
遣兵襲偽齊之衆於甘羅城破之

三月己巳韓世忠為京東淮東路宣撫處置使岳飛
為京西湖北路宣撫副使 辛未以知邕州劉遠同
提舉廣西路買馬知靜江府胡舜陟同措置 戊子
岳飛言杭州樂川偽知縣李通率五百人來歸至鄧
州詔飛存恤犒勞之 壬辰韓世忠舉兵渡淮拒淮
陽軍十里駐兵奪聖女墩賊兵來救世忠迎戰大敗

之轉戰至徐州之駕口乙未與金人訛里也孛堇知
邳州賈舍人等戰又敗之追擊至落馬湖是月劉
光世遣副都統制王師茂渡淮襲偽齊之衆於劉龍
城破之

四月湖南賊黃旺等擁衆二萬犯桂陽監戊戌詔
本路安撫使發兵招捕甲辰偽齊從臨唐州丁
未韓世忠師還道遇偽齊劉猗兵及金人太乙孛堇
兀术等與戰復大破之

六月乙巳夜地震己酉詔內外臣僚直言得失

甲寅張浚視師淮上 乙卯廢交子務 丁巳韓世

忠大城楚州 詔兩淮松江守臣並以三年為任

七月壬申詔營田就建康府置司以提領營田為名

丁丑詔內侍自今不得額外增置 癸未召張浚

暫赴行在奏事 大理國遣使奉表入貢詔却其方

物令廣西路轉運司優賜之

八月甲辰手詔撫勞將士告以將親征 丁未召觀

文殿學士知紹興府秦檜為醴泉觀使兼侍讀行宮

留守觀文殿學士提舉洞霄宮孟庚改提舉萬壽觀

兼侍讀為同留守 戊申詔喻郡國以將親征 甲

子張俊既城盱眙進屯泗州岳飛遣統制董先擊敗
偽齊都統制薛亨生擒之又遣統制王貴牛皋攻鎮
汝軍焚其積聚復盧氏縣及商州

九月丙寅上發臨安 癸酉次平江府 庚寅張浚

奏事畢復回都督行府 岳飛進兵臨宛葉遣統制

楊再興復西京長水縣與賊兵連戰於葉陽洪澗皆

破之 偽知蔡州劉永壽舉城降 劉豫起兵三十

萬東西兩道入寇西道趨合肥以其子麟統之東道

出渴口犯定遠縣以其侄倪統之

十月癸卯沂州山寨首領黃捷與其弟淵率衆來歸
賊兵渡淮劉光世遣統制王德等領精兵迎敵至
羊前市與賊將王過戰敗之 丁未張俊及主管殿
前司公事楊沂中等與劉祝戰於李家灣大破之擒
其謀主李諤及偽統領李亨祝遁去 麟方攻合淝
光世率王德等拒戰甚力麟聞祝敗亦聞風而潰德
等追襲自瓦步至壽春斬獲不可勝計光世又遣統
領鄺琛掩擊敗之於淝河 庚申唐東鈐轄韓京募

敢死士夜襲惠州軍賊曹家破之京至河源縣躬討
家挺身出降

十一月庚午召張浚赴行在 癸酉岳飛率兵行襄
漢經營進討 壬辰是月張浚還至平江隨班入見
上曰却賊之功盡出右相之力

十二月甲午朔四赦盧光濠州壽春府 壬寅趙鼎
罷為觀文殿大學士知紹興府 甲辰張浚奏遣參
議軍事呂祉往建康府措置軍事 丙剋敵功丁未
張浚加三鎮節度揚浙中授保成軍節度使外殿前

部虔候 丁巳詔裁減辰沅靖澧四州刀弩卒以三千五百人為額 己未上出御筆士大夫之學宜以孔孟為師庶幾言行相稱可濟時務布告中外使知朕意 辛酉詔以山陰諸暨等四十縣為大邑自今並以除授編修剛定六縣官等曾任縣未及三考者丁巳紹興七年

正月癸亥朔詔移蹕建康 辛巳韓世忠引兵渡淮攻淮陽軍不下復還楚州 乙酉復置樞密使副其知院同知院僉書院事並仍舊 張浚兼樞密使

丁亥何薛范寧之使還至行在得金國右副元帥
書始報太上皇帝寧德皇后崩諱張浚等見上於內
殿之後燕上號慟擗踊哀不自勝 觀文殿學士醴
泉觀使兼侍讀秦檜為樞密使 己丑降德音

二月癸巳朔日食 丁酉詔徽猷閣待制王倫奉使
金國為迎奉梓宮使達州刺史高公繪副之 甲辰
上將李建康岳飛自九江入見 庚戌詔令飛扈從
以行 上太上皇帝尊謚曰聖文仁德顯孝廟號徽
宗 甲寅上寧德皇后尊謚曰顯肅 己未上發平

江

三月癸亥朔上以丹陽韓世忠自楚州入見詔世忠
扈衛以行 甲子次鎮江府楊沂中入見詔沂中總
領彈壓巡奉一行事務 辛未至建康府駐蹕 戊
寅詔都督府遣官分往諸州揀兵以五分為率選一
分赴都督府教習弓弩手 己卯詔尊宣和皇后為
皇太后 庚辰以行營前護副軍人馬並撥隸馬軍
司 甲申劉光世進少師罷為萬壽觀使以其兵隸
都督府張浚命參謀軍事呂祉往節制之 乙酉賜

劉光世第一區於建康府

四月丙申以前護副軍人馬與馬軍司人馬併為十二將並攝侍衛馬軍司 戊戌詔修建康府城地
庚申置轉般倉

五月己丑外行營左護軍統制王德為都統制以統制鄴瓌副之 是月詔張宗元為湖北京西宣撫判官監岳飛軍召飛赴行在所

六月岳飛入覲 王德鄴瓌交訟於都督府丙辰召德以所部兵赴行在復命呂祉權領之 是月虜主

重斬高慶裔於會寧市慶裔結罕之腹心結罕救之
不得遂快以病死

七月癸未久旱詔中外臣庶皆封言事

八月乙未張俊為淮西宣撫使仍駐盱眙揚沂中

為淮西制置使主管馬軍司劉錡副之召鄴瓚率

所部兵赴行在戊戌鄴瓚擁眾詣呂祉殺中軍統

制張景凱祉及前知廬州趙康直知廬州趙不群率

全軍北走歸劉豫壬寅鄴瓚擁眾至淮呂祉不肯

行罵瓚不已瓚殺祉梟其首於木杪釋不群使還康

直尋亦被害 甲辰召知紹興府趙鼎為萬壽觀使
兼侍讀

九月壬申張浚罷為觀文殿大學士提舉江州太平
興國觀 癸酉詔都督府事並撥隸三省丙子趙鼎
左樞射平章事兼樞密使 辛巳大饗明堂大赦
交趾郡王李陽煥卒子天祚襲位

十月戊戌詔浚責授分司官居住永州 乙酉復置
川陝茶馬司 丁亥是月張浚引兵還建康府
十一月丙辰金主亶遣左右副元帥撻懶兀朮提兵

以寇江南為名往之東京執豫廢為蜀王 又遣撒
离喝至長安擒豫弟益以歸豫立八年至是偽齊遂
亡

十二月丁卯祔聖文仁德顯孝皇帝顯肅皇后虞主
於太廟 戊辰詔來春復奉浙西

戊午紹興八年 金主重天眷元年

二月癸亥上發建康 戊寅至臨安 甲申蠲紹興
府和買絹一萬疋

三月壬辰秦檜拜右僕射平章事仍兼樞密使 己

或進封故交趾郡王李陽煥為南平王進封天祚為
交趾郡王 壬寅詔以故尚書右僕射韓忠彥配饗

徽宗廟廷

四月壬戌遣樞密副使王庶視師江淮 癸未詔三
衙管軍輪日直宿禁中諸班直並聽節制

五月壬寅青徽猷閣待制劉子羽授散官安置漳州
丁未金國遣其太原尹烏陵思謀大常少卿石慶
元與王倫等偕來 癸亥趙鼎上重脩 哲宗實錄
壬申詔復置六路經制發運使以徽猷閣待制知

信州程邁為之 丙子置六曹榷尚書官 丁巳烏
陵思謀石慶元入見

七月乙酉朔遣王倫再使金國為迎奉梓宮使以右
武大夫知開門事監公佐副之 辛亥薨出西方

九月甲午趙鼎再上 誓宗實錄

十月丙辰知同州李世輔執偽元帥撤病唱將歸本
朝澄城縣追騎擁至世輔折箭為誓縱之去世輔遂
奔夏國 甲戌趙鼎眾為檢校少傅奉國軍節度使
知紹興府

十一月丁亥金國復遣使張通古蕭哲興王倫等偕
來許割河南陝西之地歸我以詔諭江南使為名

癸巳濟治臨安府河 辛亥樞密院編修官胡銓上
書言王倫誘致虜使欲臣妾我秦檜腹心大臣欲導
陛下為石晉孫近又傳會秦檜乞斬三人羈留虜使
責以無禮徐興問罪之師上批銓書以悖忤持除名
編管昭州 壬子改差監廣州都鹽倉

十二月乙亥遣端明殿學士僉書樞密院事韓肖胄
奉使金國為報謝使以樞密都丞旨錢愐副之

且詔全國使來盡割湖南陝西故地與我講和許還
梓宮及母兄弟妹餘並無須索慮民間不知今尚書
省榜喻 庚辰上不御殿秦檜等即館中見使人受
其書以進

己未紹興九年

金主亶天眷二年

正月乙酉秦檜孫近乞補甄叙胡銓詔改僉書戚武
軍節度判官廳公事 丙戌赦河南新復州寧免百
姓稅賦三年徭役五年 以徽猷閣直學士王倫為
同僉書樞密院事仍賜出身為迎請梓宮太后及交

地界使宣州觀察使知閤門事藍公佐副之 戊子
詔遣侍從一員祇謁懷慶 丁酉詔經制發運司除
去發運二字命戶部長貳一員兼領仍別置副使或
到官一員 戊戌以王倫為東京留守召前留守張
孝純赴行在以戶部侍郎梁汝嘉兼江淮諸路經制
使司農卿霍瓘為判官 己亥吳玠改為四川宣撫
使 詔紹興府帥臣帶沿海制置使

二月己未奏檜上 徽宗陵名曰永固 張浚復舊
政殿大學士知福州 丁卯增置太常博士一員

三月丁亥以利州防禦使張為保大軍節度封崇國公 乙未王倫至東京交地界金國右副元帥元朮始北去 知慶陽府趙彬上表待罪庚子詔撫喻之拜徽猷閣直學士仍復舊職任 壬寅崇國公出赴資善堂聽講使賜等應合行事並依建國公體例 甲辰知開封府鄭億年上表待罪詔釋其罪令赴行在奏事 是春夏人陷府州 金國遷東京行臺尚書省於北京

四月知延安府閔師古上表待罪 壬子詔撫喻之

拜雄武軍承宣使仍復舊職任 癸丑趙彬奏已誅
叛將慕容餘衆悉降之 知涇州張中孚上表得罪
詔慰撫之拜為涇原經畧安撫使兼永興軍路經畧
使 甲寅徙為永興軍路經畧安撫使知永興軍事
甲子以觀文殿學士提舉洞霄宮孟度為西京留
守 丙寅呂頤浩卒 知秦州張中彥上表得罪詔
釋其罪仍罷拜為涇原路經畧安撫使知渭州 庚
午詔殿前司不得增募鈎容樂工
五月乙未復置淮東提舉茶鹽司 甲辰呂孟度赴

行在所

六月庚戌皇后邢氏崩于五國城戊午詔熙河蘭郭路以熙河蘭鞏路為名 新復州軍同知改為通判

己未四川宣撫使吳玠卒 壬申偽前知同州李世輔與夏國招撫使王振來歸 李乾德妻子趙智之奔大理國自號南平王謀奪天祚國大理發兵三千送之天祚率兵與戰連敗國大亂智之遣人扣邊入貢且乞借兵詔廣西經略安撫使司放邊吏却金右副元帥兀术密奏於國主重云河南地本捷頓

宗盤主謀割與南宋二人必陰納彼國之賂於是慥
懶之蔚州避暑與宗盤共謀為亂

八月己巳詔陝西諸路復行鐵錢

九月壬午李世輔賜名忠輔為樞密院都統制尋改
名顯忠 癸未四川制置使胡世將改為川陝宣撫
副使置司河池 甲午皇太后宮殿並以慈寧為名

是秋金國主重殺其伯父宋王宗盤等七人皆夷
其族又遣兀朮殺慥懶於祁州拜兀朮為越王外都
元帥兀朮已決意舉兵復取河南王倫至金國致命

金人悉無所答遣人詰其曾知懷懶等罪否已而留
倫獨遣副使藍公佐先歸

十二月戊辰金國主亶殺其左丞相陳王寤室右相
蕭度

庚申紹興十年 金主亶天眷三年

正月丙戌以工部侍郎莫特奉使金國為近謁梓宮
使以知閣門事韓恕副之 辛卯李綱卒 甲辰復
提舉醴泉觀鄭德年省政殿學士奉朝請

乙卯丁卯以觀文殿學士知河南府孟度為東京留

守以青授散官仇愈為西京留守

三月戊戌詔舉賢良

五月甲申詔建敷文閣藏 徽宗御集置學士直學
士待制直閣等官 乙酉金人叛盟分四道入寇兀
朮首臨東京執留守孟庾又臨淮寧府執知府李正
民臨南京留守路允迪降虜 己丑金人犯河南府
副總管孫暉率兵拒戰破之於城下虜偽三路都統
翟將軍率精騎駐天津南暉又擊敗之 辛卯東京
副留守劉錡領兵之任行抵順昌府知府事陳規聞

虜已陷東京力留錡共守錡從之 己亥金人游騎
至順昌城下錡遣兵擊敗之 金酋撒剌喝渡河入
同州陷永平軍直趨鳳翔胡世將命秦鳳路經畧使
吳璘涇原路經畧使田晟利州路經畧使楊政會諸
路兵分據渭河南以拒之 辛丑折合孛董率精騎
五千餘人掩至石壁寨西驛底店吳璘遣統制劉海
等擊敗之 金人圍耀州永興軍路經畧使郭浩令
廊延環慶兵拒戰破之 壬寅金酋龍虎大王翟將
軍攻順昌劉錡以神臂弓及強弩射之稍引去錡復

遣步兵邀擊於潁河敗之

六月甲辰朔韓世忠加太保張俊加少師並為河南
北諸路招討使 乙巳劉錡夜遣將統精銳五百人
破龍虎大王於李村救獲甚衆 己酉金酋鵲眼郎
君以五千騎來攻吳璘遣統制李師顏李永奇與戰
敗之鵲眼走保扶風師顏進攻拔之 壬子兀朮與
諸酋合兵十餘萬攻順昌列立如山壁錡率將士殊
死戰大破之殺傷幾二萬人丙辰兀朮拔寨遁去
甲子金人犯青溪嶺至涇州廊延路經畧安撫使王

彥率兵與戰破之金人遁去 乙丑撤烏喝及左監
軍親提兵至百通坊統制姚仲等奮擊自辰至未戰
數合敗之 戊辰吳璘楊政遣統領曹成襲破金人
大寨於天興縣蒿谷嶺 詔遣監察御史祝師龍大
理寺丞王師心往廣州鞠大食國使蒲亞里獄 金
人率兵圍慶陽府權知府宋萬年固守虜不能下
岳飛領兵援劉錡與金人戰於蔡州敗之遂復蔡州
閏六月金酋撒烏喝復攻青溪嶺 辛巳知江州曲
汲奔城走渭州田晟召汲斬於軍前奮兵掩襲自己

至申十餘戰皆提金人敗走 甲申虜潛師擊茂茂
師驚潰死者千人虜亦引歸鳳翔 降德音於陝西
丙戌張俊遣統制王德等出兵破金人於鄆縣追
襲至宿州連敗之遂復宿州降其偽知州馬秦 丁
酉青趙鼎敗官居住興化軍 張俊率統制宋起等
迎擊金人於亳州城父縣西三十里戊戌復亳州又
破金人於渦河 兵飛遣統制王青復鄭州 庚子
詔趙鼎安置潮州 韓世忠圍海州金人遣兵來救
世忠命統制王權等迎敵遇之於蔣家莊與戰破之

遂復海州擒偽知州王山復懷仁縣

七月壬寅岳飛遣統領孟邦傑攻南城軍癸卯拔之
飛駐岳陽城縣丙午金人來攻飛出與戰破之己酉
兀朮龍虎大王復舉兵來攻戰於縣北二十餘里又
敗之庚戌永興軍路安撫經畧副使王俊舉兵
復興平武功醴泉諸縣又遣統領辛鎮破金人於長
安西南白塔寺辛亥金人再犯岳陽城諸軍戰少卻
岳飛遣其子雲率兵進戰破之癸丑楊沂中為淮
北宣撫副使劉錡為判官乙卯金酋兀朮率兵復

攻潁昌岳雲率統制王貴拒戰甚力岳飛繼遣董先
率兵來援與雲等合攻又大敗之 庚申劉錡遣統
制雷仲掩襲金人千戶樂也孛莖於太康縣圍鎮連
敗之乙丑岳飛遣統制趙東淵駐兵淮寧府金人來
攻東淵出兵迎戰破之 辛丑金左軍都統鶻眼郎
君引兵犯盩厔縣東瑤谷王俊親率兵迎戰擊敗之
八月乙亥韓世忠舉兵至淮陽軍金人率兵來攻世
忠遣統制解元等迎戰破之於譚城賊敗走趨沂州
庚辰金人復引騎兵來戰世忠親率兵迎敵至仇

口鎮賊望見世忠軍皆散走世忠遣兵追襲又破之
金人結寨於千秋湖世忠遣統制劉寶等夜攻其寨
破之 知陝州吳玠遣統制侯信駐兵中條山北破
金人大寨於栢梯谷 乙酉楊政遣統領劉興破金
人於郿縣 金人駐兵藍屋縣東王俊率兵鏖鬪自
午至暮凡數十合敗之 庚子金人攻亳州知州事
宋超戰敗遂弃城走提轄魏經死之 是月吳玠率
兵出秦州至三陽城遇金人力戰破之
九月丁未楊政遣統制楊從儀率兵出蒲河夜攻城

三寨戰十餘合皆破之 辛亥上祀天地於明堂大赦 金人圍宿州劉光世遣統制王順等赴救至符离之周村與金人遇合戰敗之 是秋岳飛遣將梁興等率兵渡河連破金人復趙州及垣曲王屋縣飛尋親提兵進與兀朮戰又破之 軍至朱仙鎮拒東京四十五里被苐班師

十月癸酉張浚復觀文殿大學士 甲戌知代州王忠直復石州等十一州 戊寅金人臨慶陽府知府宋萬年降虜 辛卯金人李金吾犯陝州知州吳琦

率兵迎敵破之己亥又破之於大谷山 庚子金人
率兵襲洮州攻城堡又分兵駐野厖河熙河路統
制孔文清惠達擊敗之

十一月丁未金人犯陝州吳玠率兵迎敵破之又犯
鞏昌縣金陵谷知鳳翔府楊從儀率兵迎戰破之甲
寅又破之於渭河南

十二月王忠植率兵至延安為叛賊趙惟清所執令
拜金國詔書忠植不屈惟清送忠植至金元帥府復
不拜遂被害丁亥贈忠植奉國軍節度使 癸巳葬

州賊殺上元等擁衆作亂通判方縱彥舉兵捕斬之
辛酉紹興十一年 金立重熙元年

正月癸卯石敬瑭軍同統制楊從儀等引兵破金人於
渭河新城 甲辰金酋兀朮再入寇乙卯犯壽春府
至黃橋知府孫暉與統制雷仲道兵擊却之丁巳賊
進至城下暉與仲又破之己未金人陷壽春府孫暉
雷仲皆奔城去 丙寅金人入廬州 己巳金人犯
商州知州邵隆破之於芍藥口金人尋陷商州
二月壬申兀朮分兵陷和州人陷滁州知州趙時奔

城去 癸酉張俊率軍迎戰破之復和州 甲戌邵
隆率兵與金酋折令孛堇戰於商州城下敗之復商
州 丙子張俊又遣都統制王德劉寶等取含山縣
與金酋龍虎大王韓將軍戰於縣東五里大破之
劉鈞遣統制許青破金賊於無為軍巢縣夾山寨
己卯金人據巢縣張俊遣統制閔師古李橫等進兵
敗之復奪巢縣賊走追至和州 壬午統領張守中
等破金人於滁州金椒縣 癸未王德田師中等攻
金人於含山縣昭關口大破之遂復含山縣奪昭關

甲申統制戚方等擊破金人於合肥縣青陽鎮

金人復犯昭關王德等又破之都統制李顯忠擊破
金人於九城鎮統制崔阜又破之於廬州舒城縣西
丙戌劉錡與金人邢王鎮國監軍相拒於下各村
河口奪河口力戰自卯至午敗之遣統制雷仲等過
淮追襲錡親率統制杜杞等繼進至柘皋鎮丁亥自
已至未戰十餘合敗之追擊至東山口又敗之己丑
至店步又敗之遂復廬州

三月丙午曲赦淮西 金酋兀朮再起兵犯濠州韓

世忠夜率騎軍迎敵至招信縣之聞賢驛與賊遇力
戰敗之 丁未金人陷濠州殺統制王進鈴轄邵清
戰死己酉韓世忠率兵自全椒赴援連與賊戰破之
庚戌張俊率兵自塔梁連破虜十餘營至濠州城
下與殿前都指揮使楊沂中軍合擊賊於州梁橋自
己午戰至夜大敗之虜焚橋北走遂復濠州 辛亥
兀朮領兵沿淮犯官軍世忠分兵轉戰皆敗之 壬
子兀朮悉焚其寨北走渦口

四月壬申詔御前軍器所仍隸臺察 壬辰韓世忠

張俊並為樞密使岳飛為副使 詔三省樞密院並
依舊制分班先後進呈文字 癸巳詔參知政事王
次翁叙位在樞密副使岳飛之下 乙未詔韓世忠
張俊岳飛所領宣撫司並罷遇出師臨時取旨逐司
統領官並帶御前字隸樞密院 是月金國遣南行
府元帥烏魯里北伐蒙國

五月辛丑置淮東淮西江東湖北江西京西總領軍
馬錢粮官專一報發御前軍馬文字 辛亥遣樞密
使張俊副使岳飛同往楚州按閱軍馬措置戰守以

樞密行府為名。庚申詔自今六部承受御史臺狀限三日與決。關臺照會。

六月乙亥秦檜加特進拜尚書左僕射。癸巳劉光世罷為萬壽觀使。

八月甲戌岳飛罷為萬壽觀使。辛巳吳璘攻金商胡蓋。蓋亡於秦州。三陽縣城隴羅嶺同統制樊彥首陷陣力戰連破虜衆。

九月庚戌吳璘復秦州。州將武誰出降。癸丑璘率兵大破胡蓋於丁剗。圍攻臘家城。幾克之。會有詔班。

師 丙辰詔遣利州觀察使劉光遠為全國通問使
以忠州防禦使曹勣副之

十月丁卯以齊文閣學士樞密都丞旨鄭剛中為川
陝宣諭使 戊辰楊政駐兵寶鷄與金萬戶通檢孛
莖戰敗之擒通檢孛莖 戊寅命御史中丞何鑄大
理卿周三畏勸鄂州節制軍馬張憲獄鑄尋奉使金
國改命万俟卨 始詔修纂玉牒 宣章縣洞賊駱
科擁兵犯郴道州 詔廣東鈐轄韓京與御前統領
郝晟合兵討之擒科赴樞密院 壬午詔吏部侍郎

魏良臣為金國通問使以知閣門事王公亮副之
癸巳韓世忠加少傅嚴為醴泉觀使 詔金國已遣
使通和合川陝宣撫司保守見存疆界不得出兵生
事招納叛亡

十一月己亥青宮政殿學士李光散官安置藤州

壬寅建太一宮 金國遣行臺戶部侍郎蕭毅翰林
待制邢其瞻來丁未青前參知政事范同散官居住
筠州判太宗正司士優提舉嵩山萬福宮 同知大
宗正司士樽提舉亳州明道宮 乙卯遣食書樞密

院事何鑄奉使金國為報謝使 丁巳以知閣門事
曹勛副之 戊午詔金國已遣使通知應官司行移
文字今後並稱大金不得輒稱金賊著賊之類 辛
酉知福州張浚拜檢校少傅崇信節度罷為萬壽觀
使 亘章洞賊駱科餘黨馭四等復叛據藍山縣犯
平陽縣詔江西路兵馬都監程師回討之
十二月大理勦張憲獄事連岳飛 詔逮飛及其子
忠州防禦使雲赴對癸卯賜飛死憲雲斬于市家屬
徙廣南

皇宋十朝綱要卷第二十四

眉山李璽編

高宗

壬戌紹興十二年 金主亶皇統二年

正月癸卯罷樞密行府 戊申青前參知政事孫近
散官居住漳州

二月丙寅詔鄭剛中同宣撫司照吳玠劉豫舊管地
界分畫 丁丑建國公時諫授檢校少保進封普安
郡王 己卯楊沂中賜名存中 金虜遣刑部尚書

烏陵贊謀至陝西議地界

三月壬寅普安郡王出就外第 丁未貢士懷居住

建州 壬子廢淮西宣撫司 甲寅川陝宣撫副使

胡世將卒

四月甲子朔以參知政事王次翁為兩宮奉迎扈從
禮儀使判紹興府孟忠厚為迎掖梓宮禮儀使 丙
子詔臨安府於皇城近地建屋楹充龍德宮以備安
奉 徽宗皇帝梓宮 金國遣金吾衛大將軍元顏
宗賢秘書監劉昫護送 徽宗皇帝顯肅皇后梓宮

來 丁亥皇后邢氏崩諱初至

五月甲午鄭剛中外端明殿學士為川陝宣撫使

詔淮西路京西路陝西路並置權場 庚戌上大行

皇后諡曰懿節

六月壬寅金國遣少傅少監高居安扈送皇太后来

己卯金國送前東京留守孟庾前知淮寧府李正

民歸朝

七月癸巳福州僉書節度判官胡銓除名編管新州

乙巳鄭剛中以秦商二州和尚原及方山原會係

劉豫嘗身悉劉還金國遂以大散關十里外龍門關為界

八月甲戌遣參知政事万俟卨奉使金國為報謝使
乙亥以帶御器械邢孝楊副之 辛巳上至臨平
鎮奉迎皇太后 壬午皇太后至自金國入居慈寧
宮 戊子上詣臨平鎮奉迎 徽宗皇帝顯肅皇后
懿節皇后梓宮 己丑奉安 徽宗皇帝顯肅皇后
懿節皇后梓宮於龍德別宮
九月乙未金國又遣中書侍郎劉晉禮部尚書元顏

宗表未 壬寅大赦 乙巳秦檜加太師仍賜玉帶

戊申上御射殿臨軒令百官觀玉轂 以參知政
事王次翁奉使金國為報謝使提點皇城司錢愐副
之 甲寅東京乾明寺尼阿李詐称柔福帝姬辨驗
非是下大理鞠審辛丑獄具杖死

十月丙寅 徽宗皇帝顓頊皇后掩殯宮於永固陵
丁丑秦檜進封魏國公 戊寅青前參知政事何
鑄散官居住徽州

十一月癸巳張俊罷為醴泉觀使仍奉朝請 左司

郎中李椿年論經界十利十害詔椿年為兩浙轉運
副使即平江勸經界司將施之一郡一路以及天下
己亥詔太學養士權於臨安府措置增長仍詔禮
部討論格法以聞 壬寅劉光世卒

十二月庚午詔太學養士權以三百人為額 乙亥
川陝宣撫司自河地移司利州 己卯詔宿衛親兵
非祖宗法可罷

癸亥紹興十三年 金主亶皇統三年

正月戊戌加上徽宗皇帝尊諡曰體神合道駿烈遜

功聖文仁德憲慈顯孝 己亥上親享太廟 癸卯
以錢塘縣西岳飛故第建大學 丁未詔大理寺選
寺丞一員往彬州鞠前知邕州俞僖獄 詔建國壇
并青城齋宮製郊廟合用祭器 遣大理寺丞燕仰
之袁柟至靜江府鞠知府胡舜陟獄 壬子詔建高
禩壇

二月乙丑徽宗永固陵易名永祐 丙子詔造金輅
象輅革輅木輅法物儀仗等 庚辰國子司業高閑
條上太學課試及分三場定式 辛巳詔有司修監

學新法 癸未始詔修祖宗寶訓 乙酉建景靈宮
三月乙巳詔建社稷壇 乙卯詔命官告令官告院
監官書綾帛之背

四月庚辰詔華亭縣建新涇塘開築招賢涇堰

閏四月己丑立貴妃吳氏為皇后 己亥詔求遺書

五月甲子青張九成居住南康軍 壬申詔國子生

以八十人為額又增置博士正錄各一員 癸酉詔

諸路各置放生池

七月己未復置國子監書庫官 甲子罷諸軍田易

八月丙戌遣吏部侍郎江遡往温州迎奉 祖宗神

御 丁亥詔諸路未有出身監司一人兼提舉學事

戊戌歲獻閣待制洪皓自金國南歸入見 丁未

詔知階州田晟率所部人馬赴行在令四川轉運司

將舊應副晟一軍錢物並措置起發赴行在送納

九月戊午秦檜請刊上所寫六經及論語孟子之書

於國子監仍頒墨本賜諸道學官從之 癸酉詔郡

知通縣令佐兼帶提舉或主管學事

十月祖宗帝后神御至自温州戊子百官赴部外奉

迎 甲午告遷 徽宗顓恭顓肅二后乙未奉安於

景靈宮 丁酉知邕州俞僊獄具詔僊特貸死除名

編管瓊州 庚子上親詣景靈宮行款謁之禮 甲

辰詔顓謨閣學士汪藻落職居住永州

十一月庚申祀天地於圜邱大赦

十二月癸未日食 辛卯詔毀私鑄毛鑄 癸巳詔

重建祕書省右文殿石渠祕閣及三館經子史集四

庫 己亥詔大學養士增二百人

甲子紹興十四年 金主亶皇統四年

正月丁巳太常寺上孟春朔獻景靈宮儀今後四孟
朝獻並依此 辛卯復置教坊 癸巳蜀江浙路紹
興八年以前積欠錢物 戊戌詔四川都轉運司上
一歲合應副田歲錢物之數令州軍每季許置輕賫
赴鄂州總領所却納別項椿管 丙午宗子大小學
生通以一百人為額

三月丁卯改川陝宣撫司為四川宣撫司 己巳上
幸太學祇謁先聖御崇化堂命司業高閔講易泰卦
賜開三品服遂幸養正持志二齋 壬申責建康軍

承宣使提舉江州太平觀解潛散官安置南安軍

乙亥上製文宣王箭

五月乙丑建都亭驛 壬辰免四川都轉運司潼川

府夔州利州路和羅米三十七萬碩 內侍華州觀

察使白鏐坐與其客進士張伯麟出語指斥朝廷除

名刺配萬安軍伯麟死杖脊配吉陽軍甲辰淮東

轉運判官奏楚州鹽城縣海水清 乙巳建小學

七月乙卯詔民間食用米並免稅 丁巳詔天下士

庶與國姓同者不許雙名 戊午僉書樞密院事王

倫為虜所殺於河間府 壬戌詔復置提舉祕書省
官以禮部侍郎秦燾為之 丙子上幸祕書省

八月福建路海賊朱明等犯建州步軍司統領張守
忠率兵討之招明等出降餘黨皆平

九月乙卯分利路為東西兩路 壬申移趙鼎安置
吉陽軍

十月庚辰詔來年正旦太朝會儀黃麾大仗權減三
分之一 戊戌詔大朝會不用地衣 己亥淮南東
西路轉運司併為一路 庚子詔自今州縣文臣一

命以上到官朝謁聖祖禮畢即令詣學謁宣聖方視
事

十一月壬申移李光安置瓊州

十二月己卯詔臨安府置涵澤園 丁酉責前僉書

樞密院李文會居住筠州

乙丑紹興十五年 金主亶皇統五年

正月丁未朔上御大慶殿行大朝會之禮 辛酉建

籍田

二月戊寅詔大學養士增一百人 戊子詔大學生

免丁役 己亥崇國公璩進封恩平郡王 癸卯詔

太學內舍生以一百人上舍以三十人為額

四月丙子朔賜秦檜第一區丁丑又賜銀絹各一萬

疋兩錢一萬絲綵一千疋 壬午彗出東北方 癸

未降詔避殿減膳令諸路監司郡守條其便民事聞

奏 丁亥大赦 癸己彗沒 庚子罷四川都轉運

司

五月丙辰詔民間折帛錢每疋減一千

六月乙亥朔日食 丁丑上幸秦檜第

七月戊申詔於利州置錢監歲以十萬貫為額賜名
紹興

八月己亥諸路提舉茶鹽官政充提舉常平茶鹽
公事 辛丑太學外舍生見以七百人為額可增二
百人

十月乙亥上書一德格天之間賜秦檜 乙酉知潭
州劉昉奏武岡軍洞徭人楊再興父子出降并歸省
地民田六千四百餘畝 庚寅詔翰林學士承旨秦
熈為資政殿學士提舉萬壽觀兼侍講恩教視執政

青提舉臨安府洞霄宮折彥質居住郴州 庚子

置四川總領軍馬錢糧官 金人策封蒙酋為國主

十一月丁未建養濟院

丙寅紹興十六年 金主重熙六年

正月壬辰上親享先農行籍田之禮至九推乃止

二月戊申蠲成都府路明年水運對余米 癸丑詔

臨安府建秦檜家廟

三月庚午朔詔建武學養士百人 乙未增建太廟

六楹通十三間為十一室東西兩間為夾室

四月癸卯詔建程嬰公孫杵臼廟 甲辰造景鍾

五月癸未增修太廟祔室

七月責檢校少傅崇信軍節度使高壽觀使張浚落
節鉞提舉江州太平觀居住連州

十月己亥金國主自黃龍府遷都會寧府

十一月辛未詔諸路置涵澤園 丙子上祀天地于

園邱大赦

十二月戊戌彗星見西南方 己亥避殿減膳 甲

辰彗沒 是歲蒙斯國愈強建號為大蒙改元天興

丁卯熙興十七年 金主重熙七年

正月己卯蠲諸路州軍鄉村第四等坊郭第七等免
行錢 壬辰建高禩壇

二月丁未上親祠高禩

四月詔諸路免行錢不拘等第免三分之一 己未

詔趙鼎遇赦永不檢舉 庚申貢士師昭慶軍節度

使韋淵散官安置袁州

五月甲子詔舉賢良 己巳貢徽猷閣直學士洪皓

散官安置英州

八月乙卯趙鼎卒於吉陽軍

九月乙亥詔蜀江東西路信吉十州軍月椿錢又詔
州縣欺隱惠不及民委提刑司覺察按治 己卯建
太醫局 己酉詔減江浙路州軍輸納紬絹綿折帛
錢仍自明年為始

十月辛卯日食 甲辰建太一宮

十二月甲寅鄭剛中落職居住桂陽監

戊辰紹興十八年 金主亶皇統八年

三月壬申賜名行宮南門曰麗正北門曰和寧 己

郊上親詣太一宮行款謁之禮 壬午以秦燬為知樞密院事

四月己丑日食 秦燬引嫌辭位庚子進觀文殿學士仍提舉萬壽觀魚侍讀提舉祕書省壬寅詔恩禮並視見任宰臣

五月甲子詔諸路轉運司訪求配享功臣趙普以下十六人畫像繪於景靈宮之壁 癸未降寧國軍節度使李筠中為平海軍承宣司提舉崇道觀居住台州 甲申詔罷四川宣撫司以知成都府李玘為西

川安撫制置使

六月甲辰詔建九宮貴神壇

戊申士民曹溥等一

千三百餘人進表乞上尊號上詔抑不許是月遣

太傅寺丞宋仲堪往江州鞠鄭剛中獄

八月壬寅禁諸路州縣士民舉留長吏

閏八月庚申蠲江浙湖南今年和糴米

甲申責等

道宗羈管房州

福建路寇賊悉平改本路所報奇

兵為殿前司左翼軍權巡檢陳敏為統制官

十一月壬辰罷收力勝錢

己亥移胡銓編管吉陽

軍 壬寅貴鄭剛中授散官安置復州
己巳紹興十九年 金主亮天德元年

正月戊子

三月癸未朔日食 甲辰鄭剛中獄具移剛中安置

封州剛中子良嗣等並除名編管廣南

四月丙寅詔於曹勛家宣取秦檜為 徽宗所撰與

粘罕書本

九月戊申上賜秦檜畫像贊

十一月壬辰上祀天地于園邱大赦

十二月甲寅詔嚴禁絕私史許人告 是月金國主
重為其下所弑追降為東昏侯共立左丞相收王亮
為帝改元天德

庚午紹興二十年 金主亮天德二年

正月丁亥秦檜旦趨朝忽有殿前司後軍使臣施全
挾刃於道遽檜欲害之衆奪其刃檜以全村大理寺
丞磔全於市癸卯詔兩浙轉運副使曹泳鞠陸外之
告李光子孟堅著私史獄 丙子移鞠大理寺
三月戊子秦檜外大學士萬壽觀使 乙未李孟堅

獄具 丙申詔孟堅父光永不檢舉孟堅除名編管
峽州 徽猷閣直學士胡寅徽猷閣待制潘良貴龍
圖閣學士程瑞寶文閣學士張燾等各黜降有差
壬寅又責寅散官安置新州
四月癸酉置力田科立定賞格自七百碩至四十碩
以次補官

五月己卯舉賢良

六月戊午建皇城司寨 甲子詔大理鞠福州進士
鄭燁告太常寺主簿吳元美作夏二子傳獄

八月移張浚居住永州

九月甲申吳元美獄具元美除名編管容州 丙申
上御筆曹筠附下罔上可罷侍御史

十月秦檜久病在告 庚午參知政事余堯弼等奏
乞今後朝退依典故權赴秦檜第聚議三省樞密院
事

十二月甲子檜入見詔免拜外殿奏事 是歲金國
主亮始起諸路夫大築汴京宮室

辛未紹興二十一年

金主亮天德三年

三月丁亥蠲州縣貧民紹興十一年至十七年積欠錢

閏四月壬申改諸路熟藥所為太平惠民局

七月壬申韓世忠卒

九月丁巳撤韓世忠故第增建景靈宮

十月甲戌上幸太傅醴泉觀使張俊第壬午加俊為

太師

十一月丁巳進義副尉劉允中坐指斥諱訕棄市

壬申紹興二十二年 金主亮天德四年

三月詔大理鞠前樞密副使王廣子之奇之荀誹謗
獄 丁酉獄具之奇之荀並除名編管梅谷州 大
理鞠直龍圖閣葉三省詆休兵為非獄 甲辰獄具
三省落職居住筠州 丙辰遣司農寺丞鍾世明往
福建路籍寺觀常住絕產田入官并措置官賣鹽
七月甲午詔加封祥叟公孫杵白韓厥為公 乙卯
虔州軍賊竇述叛殺殿前司統制吳進據城知州事
余應求父安行走隆城死應求遂以憂去
八月己卯詔鄂州都統制田師中速發兵討之 辛

已又遣殿前游奕軍統制李耕率所部兵討之

十月甲戌詔大理鞠黃巖縣令楊煒上書李光詵和議為非獄 庚辰獄其煒除名編管萬安軍

十一月乙巳李耕率諸軍登城破賊復虔州盡收叛卒誅之執賊首黃明劉光等送行在餘黨悉平 戊申上祀天地於國邱大赦

十二月癸未蠲四川總領所紹興十七年以前積欠折估糧本年錢一百二十九萬

癸酉紹興二十三年 金主亮貞元元年

二月庚午虔州軍賊黃明等伏誅

三月丁未詔大理鞠前太府寺丞范彥輝作詩謗訕
獄 戊申獄具彥輝除名編管荆門軍

五月己丑朔舉賢良

六月丙戌內侍裴永除名編管瓊州

七月戊戌秦檜乞下台州取秦崇禮紹興二年八月
革檜相制時所受御筆繳進并以今所奏疏付史
館從之 己卯賜秦檜永豐圩

十月癸酉詔大理寺鞠妖人巡檢孫士道獄

閏十二月癸巳詔大理鞠福州進士黃友龍醉語指
斥時政獄是日獄具友龍杖脊配廣南

甲戌紹興二十四年

金主亮貞元二年

正月丙子始攤慶州路茶於果合渠州廣安軍與慶
路接界縣置合同場

三月壬申鄂州都統制田師中奏已擒佞人楊再興
詔令執赴行在

五月癸丑朔日食

六月甲午詔大理鞠前知建康府王循友與主管機

宜文字韓參榜訕朝政侵盜官錢獄已丑獄具循友
貸死安置藤州參除名編管德安軍餘人論罪有差
癸未詔四川制置司總領所同議裕民減免錢物
七月癸丑張浚卒 乙卯儒人楊正修正牾伏誅
己未復置黎州雅州博易場 甲子四川制置使敷
文閣待制蕭振落職居住池州

八月丁亥遣戶部郎中鍾世明往四川與制置司總
領所同共措置裕民 甲午詔禁温州科買黃柑
止福州貢荔枝 衢州賊俞八等聚衆入嚴州犯壽

昌縣詔遣將辛立率兵捕獲之乙未並斬於市詔
江西提點刑獄張常先鞠通判武岡軍方時通書胡
銓獄丁未獄具時除名編管永州詔大理鞠湘潭
縣丞鄭起主簿賈子辰醉語嘲訕獄至是獄具紀子
辰並除名記編管容州子辰德慶府

九月乙亥詔建天章閣

十一月癸丑蠲諸路州軍第二第三以下戶紹興十七
年至二十年逋賦

十二月丙戌知饒州洪興祖京西轉運副使魏安行

坐作程端論語訓解序文并錢版印行與祖編管欽
州安行編管昭州 詔大理鞠前知雷州王趙檀
海外罪人獄丁亥獄具趙除名編管辰州

乙亥紹興二十五年 金主亮貞元三年

二月大理鞠通判常州沈長卿仁和縣尉芮煒作詩
嘲訕獄 壬寅獄具長卿煒並除名長卿編管化州
煒武岡軍

三月辛酉詔茶馬司西和州客昌買馬自今兼用茶
絹 戊辰禁四川福建路印行私書

四月甲申許安南入貢 乙未許西角小張蕃入貢
癸卯許羅殿國入貢

五月丁未朔日食 太廟 仁宗 英宗柱生紫芝
九莖 戊申罷諸路免行錢 庚戌詔許百官赴太
廟觀芝草拜表稱賀 癸丑責知泉州趙令衿居住
汀州

六月乙酉建懷遠驛

七月丙辰蠲四蜀民間科敷錢一百一十三萬減鹽
酒增額錢七十四萬蠲十九年至二十四年州縣積

欠折估糴本及激揚水脚等錢二百九十二萬 丁
巳詔罷諸州貢物 甲戌交趾郡王李延祚進封南
平王 詔大理鞠衢州教授莫汲告前知泉州趙令
衿詣言秦檜家廟碑獄

八月戊寅獄具令衿勒停項開泉州宗正司 辛巳
又詔大理鞠趙汾獄 丙戌蠲諸路人戶身丁免丁
錢一年 壬辰詔趣浙西轉運司建二府以處執政
丙申詔許占城國入貢

十月癸未製靈芝旗 乙未上幸檜第問疾 丙申

進封檜建康郡王加煇少師並致仕是夕檜卒丁
酉知臨安府曹泳勒停安置新州 詔見今外任及
宮觀并在青籍執政侍從官有司限一月開具職位
姓名以聞 詔檜妻王氏特改賜道號為冲真先生
十一月己酉賜檜神道碑額曰決策元功精忠全德
乙卯賜秦檜諡曰忠獻 癸亥上祀天地于園邱
大赦 甲子上幸秦檜第臨奠 乙丑洪皓復教文
閣直學士提舉台州崇道觀任使居住 戊辰罷法
寺旬日 庚午詔監司郡守自今無事巨細皆須奏

開手詔戒敕內外告訐 辛未又詔刑部具前後
告訐入姓名上尚書省取旨 詔知建康府王會提
舉江州太平興國宮

十二月甲戌朔手詔臺諫盡心乃職惟結主知 詔
張俊折彥質万俟卨段拂並任便居住 李光量移
彬州資政殿大學士鄭億年端明殿學士鄭仲熊並
落職億年安置南安軍 丙子張九成劉岑蕭振等
並任便居住 胡寅魏安行趙令衿並逐便 戊寅
責鄭億年散官 辛巳詔罷安豐軍貢賦鮮白魚

壬午詔莫汲汪名嗣陸外之王洧張常先范洵王肇
雍端行鄭煒九人專用告許監四官爵並除名編管
遠惡州 又詔編管人范彥暉元不伐李孟堅孟津
王之奇之苟等十人並逐便 甲申詔少傅醴泉觀
使孟忠厚奉朝請 詔除名勒停編管人邵大受為
煒鄭紀等五人並逐便 詔戒諸統軍官私役軍士
癸巳趙令衿等八人復元官胡寅復徽猷閣直學
士致仕 乙未王會勒停編管循州 丙申趙汾復
元官改正過名 胡銓量移衡州 丁酉張浚復觀

文殿大學士 己亥浚刊洪州 庚子詔御前諸軍
都統制不許出謁接見賓客

丙子紹興二十六年 金主亮正隆元年

正月辛亥執政三府成詔分處魏良臣沈汝湯思退
等 甲子追復趙鼎孫近鄭剛中汪藻官職 詔不
歷知縣人不除監司郡守郎官不歷外任不除侍從

丙寅曹泳編管吉陽軍 令衿襲封安定郡王

乙巳詔蠲諸路州軍黃河竹索錢 詔蠲江浙荆湖
路二十一年二十二年未起錢米積欠稅租 詔禁

諸路州軍創別庫

二月乙亥禁四川州縣預借民間稅賦 詔江浙湖

福建諸路出賣沒官戶絕田 癸巳詔史館脩神

宗 哲宗兩朝寶訓 庚子責前知衢州王巖前知

靜江府呂愿忠巖居住建昌軍愿忠散官安置封州

三月甲寅詔依祖宗故事宰相更不兼樞密使 丙

寅詔講和之策斷自朕志秦檜但能贊朕而已近者

無知之輩鼓唱浮言以惑衆聽至有偽撰詔命召用

舊臣抗章公車妄議邊事朕甚駭之自今加減妄議

重寔典刑

丁卯詔蠲諸路州軍積欠及歲末起軍器物料三分之一又減放諸州發到工匠三分之二已巳詔淮南京西閒田許人請佃其租課沿邊免十年以邊免五年 詔續修起居注

四月甲戌舉賢良

庚寅禁淮南京西稅耕牛

癸

己詔諸路州軍今後無得奏祥瑞

詔武學置六齋

養士上舍生以十五人內舍生以二十五人外舍生

以四十人為額

戊戌置豐濟倉

置六科薦舉

五月壬寅詔參知政事沈諤方侯禹並除左右僕射

同平章事 戊申詔前宰相侍從已死者趙鼎孫近
等十五人量輕重分等與復舊職及給還致仕恩澤
六月辛未止諸路出賣沒官戶絕田令常平司召人
佃賃 戊寅詔自今舉人奏名有係權要親族者依
祖宗故事覆試 乙酉詔四川州縣募人往湖北路
請佃開墾荒田 丙申罷黎雅州博易場

七月壬寅蠲諸路一年丁絹二十四萬疋 丁未羣
出井 戊申避殿減膳下詔許士庶簪封言事 辛
亥詔罷臨安府置油米鋪蔬果園買撲稅場新漕河

渡錢 癸丑罷諸路州縣所增置河渡 丙辰等歲
丁巳蠲臨安府在郭兩縣和買絹 戊午蠲民間
私欠官絹 癸亥詔增武學外舍生員為七十人通
內舍生以一百人為額

八月戊寅詔秦埒等八人濫竊儒科其有官赴試者
仍帶右字無官者駁放 己丑蠲建康府請欠內庫
絹二十萬七千餘疋折絹錢二百三十三萬餘緡
庚辰交趾入貢 辛卯李天祚進檢校少師

九月甲寅詔今後命官犯賊並依祖宗舊制施行刑

部申嚴行下斷在必行決無容貸 丁卯詔大理寺

官並依祖宗法試中注授在任人不許受謁出謁

十月庚午罷浙東路六平隼務 甲戌禁諸州獄司

置款司 壬午詔以提舉祕書省所併歸祕書省

乙未青右宣奉大夫宋旣右太中大夫徐琛散官安

置旣梅州琛道州 移王會編管瓊州 丁酉詔張

浚復居住永州候服闋日取旨

閏十月丙午罷蘆州歲貢珠子

十一月癸酉詔自今內外臣寮不得輒陳乞子弟赴

殿試 辛卯裁定六曹寺監局務吏額

十二月辛丑詔臺諫言事三省依旧制錄報樞密院

己酉詔四川奏辟縣令處盡歸吏部依格差注

甲寅罷提舉坑冶鑄錢司 壬戌三佛齊入貢

皇宋十朝綱要卷第二十五

眉山李璣編

高宗

丁丑紹興二十七年

金主亮正隆二年

正月

二月丁酉朔詔自今太學公私試將來科舉取士並
令兼習經義詩賦永為定制 丁未詔西和階二州
增市西馬 壬子以少師信安郡安孟忠厚提舉祕
書省 太廟 仁宗 英宗空前柱生芝草四莖許

百官等拜表稱賀

三月辛巳行在職事官百局庫務官止許陳獻利害
不得輒進詩文及投獻香謁 交趾獻翠毛五百尾
丙戌詔焚於通衢又詔後宮首飾衣服並不許用鋪
翠銷金中外士庶令有司嚴立法禁 減四川路對
采米十六萬九千碩為錢九十一萬八千緡有奇畸
零絹估錢二十八萬緡有奇夔州路激賞絹四萬五
千緡有奇減并稅務贍軍錢一萬七千緡有奇又蜀
茶馬司賣茶引錢九十五萬緡有奇并宣撫司回易

錢及階成等州積欠牛租 詔建登聞檢鼓院 壬
辰万俟卨罷為觀文殿大學士致仕 責朝儀大夫
符行中散官安置南雄州 右丞議郎黃敏行特貸
命除呂配貴州牢城

四月孟忠厚卒

五月丙子詔蠲諸路人戶敗闕酒坊增添淨利錢
六月戊申知樞密院事湯思退為右僕射

七月庚午詔復饒贛韶三州鑄錢兼令通判主之權
以十五萬為約

八月丁酉建宮學 丙辰詔蠲襄陽府荆南安豐軍
光隨州紹興十四年至二十七年止供紬絹并折帛
錢 庚申詔置提舉諸路鑄錢官

九月乙亥詔諸路新配人並依舊法 戊寅詔蠲淮
東西京西朔北絹十四年至二十七年上供紬絹錢
物

十一月癸亥朔詔減福建路鹽鈔錢八萬 乙丑上
幸祈穀雩祀祭皇地祇祀上帝四祀並以宰執將事
戊寅紹興二十八年 金主亮正隆三年

正月己巳詔禁三衙彊招軍 壬申詔諸路監司宜
依守令別為考察之法 甲戌詔減淮南州軍巡尉
弓手額一半 壬午罷廣南發紅藤錢 甲申詔遣
戶部郎中莫濛同淮東淮西江東路曾臣檢視沙田
芦場增立祖課 詔臺諫侍從三人以上共薦諸路
監司治狀之顯著者三省考察取旨外擢 罷內諸
司及行在局務添官

二月甲寅止福建路出賣寺院

三月辛酉日食 辛未詔三省樞密院吏人自今遇

進書並減半推賞 戊寅詔侍從官有關通選師臣
監司會任郎官以上者卿監郎官有關選監司郡守
之有政績者卿監郎官未歷監司者更迭補外在內
官並須在職二年方許遷除

五月丁丑詔修迎英記注 詔免淮東浙西江東路
沙田芦場租課

六月辛卯詔增長皇城東南外城 甲寅詔三路沙
田芦場租課官戶自一千畝一下民戶自二十畝以
並時與放免餘並依元降措揮增納租賦 海賊

劉巨興教授冠海道知福州沈調知廣州蘇蘭遣都
巡檢張佐統領鄭慶等討平之

七月丙寅詔蠲四川紹興二十四年二十五年正月
至八月終所欠折余本等錢十七萬餘緡 丙子
詔修神哲徽宗三朝正史 申嚴銅禁已卯出
御府銅器一千五百件付外銷毀

八月戊子置國史院 乙未增四川州軍解額 戊
戌湯思退等上徽宗實錄一百五十卷 張浚服
闋癸卯詔浚落職提舉江州太平興國宮居住永州

詔紹興府平江府大水令兩浙路轉運使趙子滿
知府蔣棨賑濟貧民

九月壬午殿前司置虎翼水軍一千人 癸未蠲平
江紹興湖州被水人戶逋賦

十月庚寅上書所作損齋記賜宰臣沈該等 癸卯
詔江浙湖廣福建四川諸路常平司出賣沒官戶絕
田 乙巳禁奉使三節人從私販

十一月甲子滿平江府常熟縣雉浦丁涇福山諸浦
已卯上祭天地於園邱大赦 上喻宰執 皇太

后明年八十將以正旦於宮中行慶壽之禮

十二月辛卯沈該等請於元旦率百官詣文德殿拜
表稱賀從之

己卯紹興二十九年 金主亮正隆四年

正月丙辰朔宮中行慶壽之禮降詔推恩天下 詔
出米五萬斛賑濟紹興平江府秀常湖州被水民戶
自正月十五日起以一月為期 丙子又詔展至
三月十五日止 癸未蠲諸路沙田芦場去年租賦
之半

二月丙戌罷沿邊密壽等十一州權場 戊戌禁取
通簡玳瑁虎胎 庚戌詔諸路有斥堠去處應省通
並罷 壬辰詔賑濟紹興平江府等被水民戶自三
月十六日更展一月

三月丙辰詔四川等省試從朝廷於帥臣監司內選
差監試考試官各一員在院官吏如有挾私違戾令
監試官徑行劾奏 甲戌舉賢良 丙子詔蠲諸路
二十六二十七年第回等以下人戶夏秋逋賦和買
丁產諸色官物 詔品官之家田產依條格合得項

詔外餘同編戶募人充役 己卯蠲常州鎮江府被
水人戶湖州平江紹興府下戶公私逋負

四月庚子增置帶御器械四員

五月甲寅止福建路出賣沙田 辛酉禁命官放債
與軍人厚取利息 己巳頒監司守臣薦舉按察官
吏八條

六月時有言金國將敗盟者 甲申命同知樞密院
事王綸奉使金國為稱謝使知閣明事曹勛副之
丁酉上親製詔戒州縣軍旅科取掊剝賂遺請托

丁未詔今後武臣不得以押綱賞轉至武翼大夫以上
己酉罷沈該為觀文殿大學士提舉臨安府洞霄宮

閏六月己未朔江浙淮南沙田芦場租賦 戊辰省
并淮南路諸司屬官及州縣官 淮東秦北邊蝗為
風所吹有至盱眙軍楚州界者然止於三十里不食
稼繼又報復飛往淮北

七月己亥詔復至江淮等路提點坑冶鑄錢公事官
八月丁巳詔激賞庫進銀天中節及皇后生辰冬至

年節寒食節並減半餘悉免 詔玉牒所置修書官
一員更不置檢討官國史院置修史同修史二員編
修官二員以史館并歸祕書省國史業專修日曆更
不置修撰檢討官

九月辛巳詔以馳坊所養養驄四十七驃子九十三
分賜內外諸軍 甲午馮恩退進左僕射參知政事
陳康伯為右僕射 罷樞密院機速房乙未以皇太
后違豫大赦 丙申蠲諸路二十八年第四等以下
人戶逋賦及見欠官物 庚子皇太后崩

十月壬戌上大行皇太后諡曰顯仁 時金國主再
使夫匠造軍器於燕京又造戰艦於潞河
十一月己亥奉安永祐迎奉銀於敷文閣 丙午顯
仁皇后權殯於永祐陵

庚辰紹興三十年 金主亮正隆五年

正月癸巳減御厨翰林司人兵三百人 丙申罷御
書院 減御輦院下都鞏官一百人 戊戌罷釣容
直二百餘人

二月甲寅罷慶州路權茶 癸酉詔以普安郡王

為皇子改名從王丙子為寧國軍節度使開封議同

三司封建王

三月辛巳詔今後除館職並須召試學宮依格選除
辛丑詔今後重疊奏舉令吏部具名奏勅 丙午
詔皇姪檢校少保恩平郡王璩授開府儀同三司判
大宗正事置司紹興府

四月辛未詔廣西攝官窠闕自今依旧法撥還與攝
官差注

五月癸未詔以山陰等四十大縣悉歸堂以待薦舉

之人吏部更不許差注京官候任滿無遺闕與減二年磨勘舊丙戌詔鑄錢司歲權以五十萬貫為額辛卯臨安府於潛臨安湖州安吉縣三縣大水七月丁丑朔日食

八月丙午日食 戊申詔蠲臨安府於潛縣被水居民三百六十六戶苗稅科敷及身丁役錢 丙辰詔蠲湖州安吉縣被水居民一百八十戶苗稅科敷及身丁役錢 是月金國主亮將南寇聚兵提二十七萬倣唐制分為二十七軍

九月庚子詔兵內侍首入、內、侍省

十月丙午詔文武臣合班如遇親王使相立西班即
令樞密院官權綴東班如親王使相請假則仍立西
班 詔罷內侍官承受今後諸軍奏狀劄子並賞封
於通進自投進 癸亥日方中無雲而有雷聲

十一月乙未詔接伴使副沿路更不許出謁

十二月乙巳罷湯思退為觀文殿大學士提舉江州
太平興國宮丁未落職

辛巳紹興三十一年 金主亮死於州城下葛王自立改大定元年

正月甲戌日食 丙申夜風雷雨雪交作 己亥張

浚令任使居住 胡銓放逐便

二月戊申詔邛州置監鼓鑄錢歲以三萬貫為額

甲寅領殿前都指揮使事楊存中進少傅封和義郡

王為醴泉觀使 庚申廢殿前司酒坊六十六處

甲子復置會子務始印造會子 乙丑詔取士依舊

分經義詩賦為兩科

三月庚寅詔陳康伯進左僕射參知政事朱倬為右

僕射 辛卯追復故參知政事李光左太中大夫特

與致仕遺表恩澤各一名

四月甲寅詔夏國更不頒賜歷日 久雨丁巳詔侍

從臺諫條具時政缺失等封奏上 免天申節等執

使相進奉金器 辛未詔殿前司獻納酒坊六十三

處盡隸兩浙轉運司

五月乙亥詔臨安府修築禁城 庚寅詔廣西轉運

司本路四十一處築闕依日撥還與攝官從大觀專

法差注 辛卯金國賀生辰使人龍虎衛上將軍高

景山刑部侍郎王全入見因道其主亮意求淮漢之

地及指取將相近臣并報淵聖皇帝崩諱 癸巳免
天申節上壽 甲午軍執率文武百寮於天章閣之
南為淵聖皇帝發哀 乙未以興州領御前諸軍都
統制吳玠為四川宣撫使仍判興州

六月壬寅朔遣主管侍衛馬軍司公事成閔總禁旅
三萬控扼上流屯鄂州 癸卯併勅令所歸刑部

罷籍田司教坊散太常寺樂工 丁未出宮女三百
一十九人 己酉以御史中丞汪澈為湖北京西宣
諭使置司鄂州 乙卯以鎮江府都統制劉錡為淮

南江東西浙西路制置使 庚申禁出角宿度內

七月癸酉上淵聖皇帝尊諡曰恭文順德仁孝廟号

欽宗 戊子詔責同知樞密院事周麟之投散官居

住筠州 金主亮徙都南京遣將分兵三道入寇

丙子詔蠲諸路未起經制錢又詔放江浙等路拖欠

上供米斛

八月丁未嬖奸劉氏令歸家逐便 辛亥責昭慶軍

承宣使王繼先居住福州子孫並勒傳郡域內外第

宅皆籍入官絕買奴婢悉縱之 壬戌張燾落致仕

知建康府 己巳詔成閔為湖北京西路制置使

九月辛未宗祀上帝於明堂以 徽宗配大赦 甲

戌金人犯黃牛堡吳璘提兵出駐青野原遣將高松

等率兵拒之 甲申興元府都統制姚仲遣忠義統

領王俊率兵至就縣瓦谷與虜兵遇合戰敗之乙酉

引兵還又與戰敗之 丁亥吳璘遣將彭青潛師至

寶鷄渭河夜攻虜橋頭寨克之 劉錡遣將夏俊率

義軍復泗州獲虜舟三十餘艘偽守弃城遁 甲午

吳璘遣統制劉海等復秦州擒偽知州蕭濟 乙未

忠義之士協力乘勢以報深讎 金人兵五萬出淮
東劉錡遣將王剛等擊之於清河口破之又遣將吳
超自淮陰絕淮擊之於十八里河口又破之 吳拱
遣將侯俊都崇書率兵復唐州偽同知王將軍等奔
城遁去 癸丑金人自橫林犯襄陽甲寅至樊城將
奪橋來攻拱親率兵拒戰敗之 虜主亮率兵自壽
春渡淮 丙辰分兵三道入寇至尉子橋王權遣統
領戴阜姚興等拒戰興戰歿權退屯和州 丁巳成
閔遣統制趙樽張彥遠皇甫侗復光州知均州武鉅

遣總轄荀琛統制李元復鄧州 戊午命知樞密院
事葉義問督視江淮荆襄車馬中書舍人虞允文參
贊軍事 統制任天錫等復商洛縣己未又復商州
金人陷滁州 庚申以太傅醴泉觀使和義郡王
楊存中為御營宿衛使 統制趙梅復蔡州斬其萬
戶楊總管 辛酉金人犯和州王推奔米石虜兵追
襲至江淮權衆爭渡淪溺甚衆 馮思退復觀文殿
大學士充醴泉觀使兼侍讀 壬戌詔避殿減膳
甲子張浚復觀文殿大學士判潭州 吳璘遣統制

璘遣將彭青等破隴州防山原 丙申金人犯光化
軍知軍張起率兵拒戰走之 西和州屯將曹沐率
兵復洮州降其同知粵敦輝只等 戊戌彭青等復
蘭州漢軍千戶王宏等殺其僞知州溫敦烏也來降
統制山東忠義軍馬觀勝秦已復海州請兵救援
詔鎮江府都統制劉錡密遣兵 應之 己亥彭青
等復隴州

十月庚子朔下詔告諭天下以將親征 浙西路副
總管李寶率舟師由江陰抵海州度兵奮擊虜懼壘

引去親勝出城迎衛，引兵入城。癸卯詔吳璘劉
錡成閭並為招討司璘陝西河東路錡京畿淮北京
東河北東路閭京西河北西路。金人陷蔣州江州
都統制戚方遣將張翥等與金人戰於蔣州北走之
復蔣州。池州都統制李顯忠遣將孔福率兵至安
豐軍大人州與金人萬戶郭副留戰敗之。丙午鄂
州都統制吳玠遣將郝崇善與金人遇於湖陽縣真
陂縣戰敗之。庚戌建康府都統制王權遣將姚興
與金人遇於蘆州之定林戰敗之。戊申詔諭大遼

吳玠向起等破金人於治平寨虜兵自南市城來攻
起等與戰又敗之 乙丑虜騎數萬至皂角林錡遣
左軍統領員錡拒戰至楊子橋敗之斬其萬戶高景
山 劉錡病甚盡棄淮東之地率衆去揚州渡江保
京口 李寶至膠西石臼堡與金人兵遇丙寅寶進
戰大敗之斬其酋完顏鄭家奴六人統軍蘇保衡
自經死 金人攻秦州向起吳玠擊却之 金國渤
海一軍叛亮歸會寧府立楚王袞為帝改元大定
十一月己巳全州都統制王彥遣兵與忠義統領丁

博合擊金人復統州 庚午威方遣統制李貴等復
穎昌府 壬申張浚改判建康府台王權赴行在以
李顯忠為建康府都統制 金人屯武功姚仲遣統
制王俊自東洛口率兵往攻與虜戰數合皆敗之
劉錡自退保京口病愈劉棄義問以中軍都統制李
權代之橫等與虜戰於瓜州不利統制魏俊王方戰
歿劉紀引兵先退虜騎追蹙之於江淪溺者甚衆
癸酉統制李貴復無為軍 虞允文至建康棄義問
遣允文持檄走池州 召李顯忠付以軍事乙亥允

文發建康 丙子至宋石統制張振王琪時俊等與
金人力戰大敗之虜衆沉溺以萬數丁丑戰於楊林
河口又敗之虜衆大自焚其舟走瓜州 王彥遣將
樊世雄率兵攻金人於閔鄉縣戰於藍田縣又遣統
制李青再戰於藍田縣又戰於華州西又遣將邢進
戰於長安東四十里灞橋進至臨潼縣連敗之 庚
辰詔湯思退為行宮留守 甲申金人劉蕘率衆犯
光化軍統制李勝等率兵拒戰敗之 乙酉劉玘特
貸命除名編管英州 王彥遣將邢進復華州 丙

戊任天錫復陝州金人來攻天錫等拒敵敗之降
劉錡提舉萬壽觀戊子王權特旨命除名編管瓊
州金人攻陝州任天錫等迎戰復破走之李勝
等復興金人戰於新縣敗之劉等焚其營柵舟楫拔
寨遁去己丑王彥道統制楊堅等率兵至西京長
水縣與金人戰破之生擒其將王寶等庚寅復長
水縣癸巳詔成閔吳拱李顯忠為制置司閔淮東
路兼京西河東淮北大路招討使拱湖北京西路兼
京西北路招討使顯忠淮西路兼京畿河西北路

招討使 乙未虜諸酋集兵入亮帳中殺亮及其三
妃與謀事者十餘人 丙申金人破泰州統制王剛
奔城走江陰 姚仲遣將楊舉等率兵攻金人寨於
永興軍鄆縣破之

十二月趙搏將所部兵還攻蔡州己亥朔搏潛師入
城蕭懋德遁去 辛丑詔李寶為靖海軍節度使沿
海制置使京東西路招討使 壬寅成閔復揚州
甲辰諸酋已就亮遣所部成忠郎張真持其國都督
府牒來乞罷兵講好如初 武鉅遣統領背朝破金

人復鄧州 丁未王彥又遣將復西京河南府 戊
申上發臨安 成閔追襲虜兵戰於淮南岸賊勢歟
退軍渡淮閔縱兵擊敗之復盱眙軍 甲辰李顯忠
進兵復和州虜始遁去顯忠遣兵追襲至橫澗敗之
至金椒縣楚涌溝又敗之 吳璘遣將張定復水洛
城 成閔奏悉復淮東路州縣丙辰閔復泗州 己
未上次鎮江府 庚申吳璘遣統領王忠正率兵攻
治平寨破之至熙城坡與金人合戰敗之追奔十餘
里又敗之 壬戌曲赦新復州軍 甲子曲赦楊泰

真楚等九州盱眙等六軍 知荆南府續戚始籍民

為義勇凡八千人

壬午紹興三十二年 金主葛王大定二年

正月戊辰朔日食 壬申上至建康府留守張浚入

見 丙子挑翼祖皇帝簡穆皇后神主於太廟西夾

室 壬午金人復攻蔡州趙搏力戰敗之虜遂解去

己丑金國主喪入居燕京遣其臣左監軍高忠建

禮部侍郎張景仁來告登位 辛卯吳璘遣統領惠

達與知洮州李進合兵攻河州奪通會關 壬辰詔

知均州武鉅知河南府 金人犯子容寨統制郭謹
遣將張簡拒戰敗之惠達人與金人戰於閭家峽敗
之 丁酉達等與金人又戰於寧河川敗之生擒其
將李德

二月戊戌朔以中書舍人虞允又為兵部尚書川陝
宣諭使 庚子吳玠復秦州惠達時復河州 癸卯
復積石軍 庚辰金國大酋裴滿率兵十五萬復圍
秦州趙樽力戰却之 壬子劉錡卒 乙卯上至臨
安府 乙丑趙樽率兵去秦州還信陽姚仲遣統制

趙銓等率兵復鎮戎軍生擒偽知軍韓鈺 王彥遣
兵救陝州至虢州與金賊兵遇戰於州東敗之賊引
去丁卯金人攻汝州吳拱遣將擊走之復永安軍

閏二月辛未江州都統制戚方罷為浙東路都總管

丙子姚仲遣忠義統領段章復原州 戊寅附

欽宗皇帝於太廟 吳璘遣將楊大亨與後軍都統

制田燾等攻散關破之又奪和尚原賊并原遁去

辛卯姚仲率兵攻德順軍 壬辰至瓦亭寨新店與

金人遇戰數十合連敗之 丙申吳璘遣忠義統領

嚴忠復環州

三月吳璘遣忠義統領米剛率兵至鞏州引還己亥剛與金人戰於渭河北岸敗之武師圍德順軍四十日不下吳璘自河地親率兵來攻癸卯督將力士戰教令大敗之戊申賊棄城遁去遂復德順軍辛亥命權兵部侍郎陳俊卿工部侍郎許尹措置沿邊堡塞屯田壬子知蘭州王宏復會州辛酉詔止高麗國入貢

四月戊寅金賊大漢軍一萬餘人至華陰縣東水谷

詣權華州第七將邢進降 戊寅金人圍海州三十
三日戊寅始退師 戊子北軍謀克田茂等糾率三
千餘衆來降王彥撫納之 乙未楊存中罷措置置
兩淮詔以張俊兼之

五月金人圍原州久不下姚仲率兵往救戊戌至開
邊與金人戰敗之追至城下夜攻其寨黎明賊敗走
遂入原州 庚子復置提舉秦司買馬官 戊申御
營宿衛使楊存中復為醴泉觀使仍奉朝請 金人
圍海州前軍統制張玘首陷陣流矢中右額死 辛

亥張子蓋率兵救海州與招討使李寶合軍擊金人
大敗之金人解去 己未吳璘復濠州

六月戊辰望仙橋東新葺宮成詔以德壽為名 己

巳立皇子建王舊為皇太子改名從史福國夫人郭

氏進封皇太子妃 庚午詔內侍張去為落致仕提

舉德壽宮

七月乙亥太僕射朱倬罷為觀文殿大學士醴泉觀
使

八月丙子詔皇太子可即皇帝位朕稱太上皇退處

德壽宮皇后稱太上皇后

戊寅大赦